

Transkription von Urkunde HAL 1323a

Ort, Datierung: Halle, 1323-07-25

Signatur: Stadtarchiv Halle, II, Urk., 10 U 1 Nr. 10 [\[online\]](#)

Inhalt: Domkapitel zu Magdeburg: Grundstücksverkauf

Bemerkung: Hochdeutscher Text mit niederdeutschen Elementen

IMme Namen Ghotes ame(n) Wie burchad von der gnade ghoten Ercebischof Wie Geuehard von / der
selben gnade Tumprobest Wie heydenrich Techen vnde daz capitel gemeyne des gotis/huses zu
Magdeburg alle den di disen brif gesen oder horen heyl vn(de) selde in ghote ewichliche Dye / dink
die ewige macht habe sollen daz ist noyt daz man die westene mit bezuginge warhafter Ingesegle /
vn(de) briue Hir vmme bekenne wie des offentliche an disseme ghegenwerdighen briue = daz wie mit
gance(m) / willen vnde mit eytrethigeme rathe verkouft haben vnsen getruwen burgeren von halle
vnsen werder die da / buessen was ghenant hinder den schern vmme anderhalphundert marc
steydalisches silberes mit alleme rechte / also he vnses gotehuses was vnde eygen den selben werder
den burge(re)n vnde der stat zu halle ewichliche / vf ein orkunde disses koufes vn(de) disser eygenshaft
daz die stede vnde sunderbruch von vns vnde von / vnsen nakomelingen gehalten werde so habe wie
vorgenante burchard Ercebischof vnde wie Geuehart / Tump(ro)best vnde das capitel gemeyne disen
brif gescreben lazen vnde bestetiget mit vnseme Ingesegle / vnde vnses capiteles Ingesegle Disser
dinge sint gezuget di Edele herre herbburchart die Eldere von / scrappolowe her conrad probest zu sente
mariens bin(n)en der stad zu halle her gander p¹ritter / herman lange koppe Ghyseke Johannes
gereke hildebrand keseling burge(re) zu halle vnde anderer / getruwet lute gnvc Disse dink sint
geschen vnde disse brif ist gegeben na Gotes gebort / ober thusent iar druhundert iar indeme
druvndezwenzigsten Iare andeme heren tage se(n)te Jacobs /

¹ eventuell auch *p(re)ne* oder *p(re)ue*